

Sakib Korkut, inž.geod.



Dana 23.09.2007. godine zauvijek nas je napustio kolega Sakib Korkut.

Uvaženi kolega Sakib Korkut je rođen 13.09.1929. godine u Travniku. Potiče iz poznate travničke porodice Korkut. Osnovnu školu (tadašnju malu maturu) završio je u Travniku. Poslije završetka osnovne škole upisuje se na prvu godinu Isusovačke gimnazije, takođe u Travniku. Zbog Drugog svjetskog rata prekida školovanje u gimnaziji u Travniku, a nakon rata završava Prvu mušku gimnaziju u Sarajevu. Po završetku gimnazije upisuje Geodetsku tehničku školu u Sarajevu. Geodetsku tehničku školu uspješno završava 1951. godine.

Nakon završetka srednje škole zapošljava se u Republičku geodetsku upravu BiH gdje radi na poslovima premjera u

Krajini.

Tokom 1954. godine dolazi u Travnik, zapošljava se u katastarskom uredu općine Travnik, a nakon kraćeg perioda postaje šef travničkog katastra. Otvaranjem Više geodetske škole u Sarajevu pružena je mogućnost daljeg obrazovanja u struci, koju kolega Sakib i koristi te 1963. završava studij i stiče zvanje geodetskog inženjera. Nedugo potom postaje direktor Međuopćinske geodetske uprave općina Travnik i Pucarevo (sadašnji Novi Travnik).

U to vrijeme je izvršen novi premjer na teritoriji općina Travnik, Novi Travnik i Vitez, a Sakib se smatra najzaslužnijim za izvršenje tih poslova. U zasluženu penziju odlazi 1988. godine.

Sve do smrti je imao aktivan društveni život tako tako da je bio član Planinarskog društva "Vlašić" iz Travnika.

Život je proživio sa suprugom Murisom sa kojom je imao dvoje djece, sina Emira i kćerku Lejlu, od kojih ima troje unučadi Lanu, Tinu i Mirana.

Ukopan je u mezarju koje se nalazi na istočnom ulazu u Travnik u naselju Dolac na Lašvi, a ispraćen je od porodice, rodbine, prijatelja te mnogobrojnih kolega i sugrađana.

Kolega Sakib Korkut će ostati upamćen kao vrstan stručnjak, organizator, kolega i prijatelj čijom smrću je i geodetska struka, a i društvo pretrpilo veliki gubitak.

Neka je rahmet njegovoj plemenitoj duši.

Jusuf Topoljak